



Kakanj, 04.03. 2016. godine.
Broj: 01/D-01-43- 2976 /16

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i Preporuke Komisije za javnu nabavku broj: 111-02/16 od 25.02.2016. godine po otvorenom postupku (OP: 01/16 - Nabavka ležajeva), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), v.d. Direktora Društva mr.sci. Kasim Alajbegović, dipl.ing.maš.donio je

ODLUKU
o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka ležajeva po provedenom otvorenom postupku OP: 01/16 izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	„AB PETROL“ d.o.o. Kakanj	64.629,00 KM

Član 2.

Odbija se ponuda ponuđača: „LEŽAJ TRADE“ d.o.o. Sarajevo, „LAGER“ d.o.o. Posušje, „JAMINM“ d.o.o. Žepče i „BRATSTVO-HOLDING“ d.d. Novi Travnik dostavljena u postupku nabavke - Nabavka ležajeva, a po obavještenju o nabavci broj: 967-1-1-56-3-5/16 od 22.01.2016. godine objavljena na portalu javnih nabavki, kao neprihvatljive.

Član 3.

Prijedlog ugovora o nabavci dostavit će se na potpis izabranom ponuđaču „AB PETROL“ d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) i tačkom 3.2. (član 47. Zakona o javnim nabavkama) tenderske dokumentacije.

Član 5.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

Član 6.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 7.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-174/16 od 06.01.2016. godine.
Procijenjena vrijednost javne nabavke bez PDV-a je 80.000,00 KM.

Obavijest o nabavci broj: 967-1-1-56-3-5/16 poslana je na objavu dana 22.01.2016. godine, a isti dan objavljena je na Portalu javnih nabavki.

Komisija za javnu nabavku je dana 25.02.2016. godine sačinila Zapisnik o ocjeni ponuda broj: 109-02/16 i Preporuku o izboru najpovoljnijeg ponuđača broj: 111-02/16 u postupku javne nabavke roba - Nabavka ležajeva.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda za sedam (7).
- da je blagovremeno zaprimljeno sedam (7) ponuda.
- da nije bilo neblagovremeno zaprimljenih ponuda.
- da su ponude ponuđača „AB PETROL“ d.o.o. Kakanj, „INVING INVEST INŽINJERING“ d.o.o. Prijedor i „VIKLER PROMET“ d.o.o. Sarajevo prihvatljive.
- da ponude ponuđača „LEŽAJ TRADE“ d.o.o. Sarajevo, „LAGER“ d.o.o. Posušje, „JAMINM“ d.o.o. Žepče i „BRATSTVO-HOLDING“ d.d. Novi Travnik nisu prihvatljive.

Razlozi odbijanja ponude ponuđača „LEŽAJ TRADE“ d.o.o. Sarajevo:

- Uvidom u ponudu ponuđača „LEŽAJ TRADE“ d.o.o. Sarajevo i dostavljeni Aktuelni izvod iz sudskog registra utvrđeno je da su lica ovlaštena za zastupanje subjekta Bošnjak Zlatko, direktor i Bošnjak Dubravko, prokurist. Daljnjim pregledom ponude utvrđeno je da je slijedeće dokumente potpisao Janjić Slaven kako se navodi „po punomoći 74/16“:

- na str. 7/38 ponude – Izjava o ispunjenosti uslova iz člana 45. Zakona o javnim nabavkama
- na str. 15/38 ponude – Izjava o ispunjenosti uslova iz člana 47. Zakona o javnim nabavkama
- na str. 21/38 ponude – Izjava iz člana 52. Zakona o javnim nabavkama

Kako je utvrđeno da je gore navedene dokumente potpisao Janjić Slaven, a isti nije naveden kao lice ovlašteno za zastupanje ponuđača u Aktuelnom izvodu iz sudskog registra, niti je dostavljena punomoć kojom je navedena osoba opunomoćena da zastupa ponuđača, tako ovaj ugovorni organ smatra da je gore navedene dokumente potpisala osoba koja nije ovlaštena za zastupanje preduzeća.

Za ovaj ugovorni organ nije sporno da je osoba Janjić Slaven zaista ovlaštena od strane direktora po spomenutoj punomoći broj 74/16. Sporno je što navedena punomoć nije dostavljena u ponudi ponuđača, kako to nalaže član 58. Zakona o javnim nabavkama.

- Tačkom 3.2 tenderske dokumentacije propisani su ostali uslovi za kvalifikaciju u smislu dokazivanja ekonomsko-finansijske i tehničke i profesionalne sposobnosti.

Što se tiče ekonomskog i finansijskog stanja, u skladu sa članom 47. Zakona, ponuda će biti odbačena ako ponuđač ne ispunji slijedeće minimalne kriterije:

a) Da ponuđač nije blokiran, odnosno da njegovi računi nisu bili u blokadi u zadnjih 6 (šest) mjeseci od dana izdavanja potvrde poslovne banke kojom se potvrđuje da računi ponuđača nisu bili u blokadi, odnosno, da ispunjava svoje finansijske obaveze prema poslovnim partnerima i povjeriocima i da je ponuđač uveden u jedinstveni registar transakcijskih računa iz kojeg se može vidjeti naziv banaka, broj i status transakcijskih računa.

Ocjena ekonomskog i finansijskog stanja ponuđača će se izvršiti na osnovu slijedećih dokaza:

a) Odgovarajuća bankovna pisma, odnosno potvrde svih poslovnih banaka kod kojih imaju otvorene transakcijske račune o bonitetu firme, za sve aktivne transakcijske račune, da u zadnjih 6 (šest) mjeseci od dana izdavanja potvrde poslovne banke, račun ponuđača nije bio u blokadi i Izvještaj o računima pravne osobe koji izdaje Centralna banka BiH ili druga nadležna institucija zemlje u kojoj je ponuđač registrovan.

Ponuđači su dužni u svojoj ponudi dostaviti Izjavu o ispunjenosti uslova iz člana 47. Zakona, u skladu sa Ankesom 4 tenderske dokumentacije.

U prilogu Aneksa 4 ponuđač je dužan dostaviti kopije zahtjevanih dokumenata.

Ponuđač kojem je dodjeljen ugovor dužan je dostaviti originalne dokumente ili ovjerene kopije zahtjevanih dokumenata, u roku od 5 (pet) dana od dana prijema Odluke o odabiru najpovoljnijeg ponuđača.

Svi ponuđači su dužni dostaviti Izjavu u pogledu ekonomsko-finansijske sposobnosti, koja je popunjena u skladu sa uslovima definisanim u tenderskoj dokumentaciji, odnosno Aneksom 4 tenderske dokumentacije, zatim dostaviti i potvrde svih poslovnih banaka kod kojih imaju otvorene aktivne transakcijske račune.

Dostavljene izjave i ostala zahtijevana dokumentacija kojom se ocjenjuje ekonomsko i finansijsko stanje ponuđača ne mogu biti stariji od 25 dana od dana predaje ponude u ovom postupku javne nabavke.

Uvidom u ponudu konstatovano je da ponuđač „LEŽAJ TRADE“ d.o.o. Sarajevo nije dostavio Izvještaj o računima pravne osobe koji izdaje Centralna banka BiH ili druga nadležna institucija zemlje u kojoj je ponuđač registrovan.

Prilikom evaluacije ponude Komisija je konstatovala da je dostavljeni popis ugovora-lista referenci, na strani 33/38, u poziciji broj 2. korekturnim lakom ispravljan naziv i adresa naručitelja tog ugovora bez da je ista ovjerena pečatom ponuđača i potpisom ovlaštene osobe.
U skladu sa gore navedenim, ponuda „LEŽAJ TRADE“ d.o.o. Sarajevo nije prihvatljiva.

Razlozi odbijanja ponude ponuđača „LAGER“ d.o.o. Posušje:

- Na stranici 4. ponude ponuđača, u Aneksu 2 - Obrazac za cijenu ponude na poziciji 9. vidno je ispravljana jedinična cijena stavke, a da nije ovjerena pečatom ponuđača niti potpisom ovlaštene osobe. Na ovaj način nije jasna jedinična cijena ponude. Jedinična cijena ponude ne smije biti ispravljana bez da je ovjerena pečatom ponuđača i potpisom ovlaštene osobe na način da se jasno vidi jedinična cijena ponude.
Na osnovu gore navedenog, ponuda ponuđača „LAGER“ d.o.o. Posušje je ocijenjena kao neprihvatljiva.

Razlozi odbijanja ponude ponuđača „JASMINM“ d.o.o. Žepče:

- tačkom 4.2. tenderske dokumentacije propisan je način dostavljanja ponude.

Ponuđač nije uvezao ponudu na način kako je to propisano tačkom 4.2. tenderske dokumentacije.

Naime, jedan dio ponude je uvezan jemstvenikom i na zadnjoj strani naljepnicom zalijepljen preko koje je utisnut pečat i potpis ponuđača na način da jedan dio pečata i potpisa se nalazi na naljepnici, a drugi dio na listu ponude. Međutim, u drugom dijelu ponude se nalazi određena dokumentacija na engleskom jeziku, koja nije prevedena, niti je numerisana, sa određenim certifikatima, koji također nisu prevedeni niti numerisani, kao i dokument naziva „Obračun izdatih računa“ koji je numerisan. Ovaj dio ponude nije uopšte uvezan i svaki list je odvojen što nije u skladu sa tenderskom dokumentacijom i Zakonom o javnim nabavkama.

- Uvidom u ponudu ponuđača „JASMINM“ d.o.o. Žepče i dostavljeni Aktuelni Izvod iz sudskog registra utvrđeno je da su lica ovlaštena za zastupanje subjekta Malićbegović Jasmin, direktor, Malićbegović Rašid, prokurist i Redžić Mustafa, pomoćnik direktora. Daljnjim pregledom ponude utvrđeno je da je sljedeće dokumente potpisalo lice, Faris Hadžimerović, i to:

- na str. 20/82 ponude – Aneks 1 - Obrazac za ponudu
- na str. 33/82 ponude – Aneks 2 - Obrazac za cijenu ponude
- na str. 35/82 ponude – Izjava o ispunjenosti uslova iz člana 45. Zakona o javnim nabavkama
- na str. 37/82 ponude – Izjava o ispunjenosti uslova iz člana 47. Zakona o javnim nabavkama
- na str. 39/82 ponude – Izjava iz člana 52. Zakona o javnim nabavkama

Kako je utvrđeno da je gore navedene dokumente potpisalo lice Faris Hadžimerović, koji nije upisan kao lice ovlašteno za zastupanje društva, to je ponuda ponuđača „JASMINM“ d.o.o. Žepče ocijenjena kao neprihvatljiva.

Sljedeći dostavljeni, a traženi dokumenti nisu potpisani od strane ponuđača:

- Aneks 6 – Povjerljive informacije
- Aneks 7 – Popis ugovora – lista referenci

- Aneks 6 – povjerljive informacije nije popunjen na način kako je to traženo tenderskom dokumentacijom.

Naime, u napomeni Aneksa 6-povjerljive informacije je jasno napisano da su „ponuđači dužni popuniti obrazac povjerljive informacije, odnosno ukoliko smatraju da nema povjerljivih informacija dužni su isto navesti na ovom obrascu”.

- Aneks 7 – popis ugovora-lista referenci nije popunjen na način kako je to traženo tenderskom dokumentacijom.

Naime, tačkom 3.2 tenderske dokumentacije propisani su ostali uslovi za kvalifikaciju u smislu dokazivanja ekonomsko-finansijske i tehničke i profesionalne sposobnosti se moraju taksativno navesti u zavisnosti da li je predmet nabavke roba/usluga/radovi, u skladu sa Zakonom. Moraju biti srazmjerni predmetu nabavke i procijenjenoj vrijednosti nabavke.

Što se tiče tehničke i profesionalne sposobnosti, ponuđači trebaju ispuniti sljedeće minimalne uslove:

Član 49. tačka a) Zakona o javnim nabavkama

a) Uspješno iskustvo u realizaciji najmanje 1 ugovora u prethodne tri godine (2013., 2014. i 2015. godina uključujući i tekuću 2016. godinu), čiji je karakter i kompleksnost isti onima koji se odnose na predloženi ugovor (isporuka ležajeva), a čija vrijednosti ugovora ne može biti manja od 80.000,00 KM,

Ocjena tehničke i profesionalne sposobnosti ponuđača će se izvršiti na osnovu sljedećih izjava i dokumenata koje dostave ponuđači:

Član 49. tačka a) Zakona o javnim nabavkama

a) Listu izvršenih isporuka u (2013., 2014. i 2015. godinu uključujući i tekuću 2016. godinu), sa ukupnim vrijednosnim iznosima datumima i primaocima uz osiguranje dokumenata u formi potvrda o izvršenim isporukama koje su izdali primaoci - Obrazac „Popis ugovora-lista referenci“ u Aneksu 7. tenderske

dokumentacije ili od datuma registracije, ukoliko je ponuđač počeo sa radom prije manje od tri godine, dostaviti će dokaz za taj period.

Dokaz se podnosi u tabelarnom pregledu - Obrazacu „Popis ugovora-lista referenci“ u Aneksu 7 koji se nalazi u prilogu ove tenderske dokumentacije uz potvrdu koju daje druga ugovorna strana o njihovoj realizaciji. Dokumentacija koja se podnosi mora biti dostavljena u originalu ili u kopiji ovjerenoj od strana nadležnog organa uprave. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati slijedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima;

Potvrda se dostavlja u originalu ili ovjerenoj kopiju kod nadležnog organa.

Ponuđač „JASMINM“ d.o.o. Žepče nije dostavio ispravno popunjen Aneks 7 – Popis ugovora-lista referenci, tj. nije naveo niti jedan ugovor da je realizovao, a koji je isti predmetu nabavke (isporuka ležajeva). Samim time, nije dostavio niti jednu potvrdu o uspješnoj realizaciji ugovora.

Ponuđač nije dostavio Izjavu da će ukoliko bude izabran obavezati garantni depozit za dobro izvršenje posla u vidu безусловne bankarske garancije na iznos od 10% ugovorene vrijednosti bez PDV-a

Tačkom 6.2. Tenderske dokumentacije Ugovorni organ je istakao da će „tražiti garanciju za uredno izvršenje ugovora. Iznos garancije za uredno izvršenje ugovora je 10 % od vrijednosti ugovora bez PDV-a. Ponuđač je obavezan u fazi nuđenja dostaviti Izjavu da će ukoliko bude izabran obavezati garantni depozit za dobro izvršenje posla u vidu безусловne bankarske garancije na iznos od 10% ugovorene vrijednosti bez PDV-a”.

Ponuđač „JASMINM“ d.o.o. Žepče nije dostavio traženu Izjavu da će ukoliko bude izabran obezbjediti garantni depozit za dobro izvršenje posla u vidu безусловne bankarske garancije na izno od 10% ugovorene vrijednosti bez PDV-a.

Na osnovu gore navedenog, ponuda ponuđača „JASMINM“ d.o.o. Žepče je ocijenjena kao neprihvatljiva

Razlozi odbijanja ponude ponuđača „BRATSTVO-HOLDING“ d.o.o. Novi Travnik:

Ponuđač nije popunio Obrazac za cijenu ponude na način kako je to traženo tenderskom dokumentacijom.

Naime, ugovorni organ je u koloni 2. Obrasca za cijenu ponude predvidio da ponuđači upišu naziv proizvođača/državu porijekla ponuđenih ležajeva. Ponuđač je u predviđenoj koloni naveo državu porijekla „Kina“, međutim nije naveo naziv proizvođača. Također, u ponudi ponuđača niti na jednom dokumentu nije istaknut naziv proizvođača. Na ovaj način ponuđač nije dokazao da ponuđeni ležajevi su ekvivalentni traženim. Nadalje, u ponudi ponuđača se ne nalazi niti jedan sertifikat niti katalog, niti bilo koji drugi dokumenat kojim bi ponuđač trebao da dokaže kvalitet ponuđenih ležajeva, a koji je tražen u Aneksu 8 – Tehnička specifikacija. Na osnovu gore navedenog, ponuda ponuđača „BRATSTVO-HOLDING“ d.d. Novi Travnik je ocijenjena kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

	Naziv / ime ponuđača	Ukupno ponuđena cijena bez PDV-a
2.	„AB PETROL“ d.o.o. Kakanj	64.629,00 KM
3.	„INVING INVEST INŽINJERING“ d.o.o. Prijedor	68.899,75 KM
4.	„VIKLER PROMET“ d.o.o. Sarajevo	83.090,19 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 64.629,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



v.d. Direktora Društva

mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a